

**Haldättäs iävtut pargottesvuotâtorvolaavâ, pargottesvuotâhiäđui ruttâdmist adelum laavâ já pargottesvuotâkassalaavâ koskâpuddâsii muttem**

**lävtuttäs ulmen lii pyerediđ pargottesvuotâtorvo tarbâšeijee ulmui ekonomâlii sajattuv koronavirusepidemia tovattem vaigâdis ekonomiatilleest.**

Pargoadeleijeeh láá karttâm heiviittiđ toimâs koronavirusepidemiast šaddee kojâdem hiäjusmem tiet. Haldättäs iävtut, ete pargei áigápuátu nanoduvvoo tiileest, mast maangâs láá páaccám pargottemmin tâi luámuttum.

lävtuttâsâst iävtutteh, ete koskâpuddâsávt mutteh pargottesvuotâlaavâ, pargottesvuotâhiäđui ruttâdmist adelum laavâ já pargottesvuotâkassalaavâ.

Haldättäs iävtuttâsâst iävtutteh:

- Pargottesvuotâtorvo älgim ovdedeijee viidâ peeivi jiešvástádâsäigi valduuččij meddâl. Taat kuoskâččij tiänâspeiviruudân, vuáđupeiviruudân já pargomarkkântorjui. Tai peeivij uásild torjuu ruttâdiččij staatâ.
- Päähluázžoo pargoostorroomiähtu uániduuččij. Pargoostorroomiähtu lii iähtu pargottesvuotâpeiviruudâ finniimân. Päähluázžoi pargoostorroomiähtu ličij 13 kalenderokkod ko tääl tot lii 26 kalenderokkod. Irätteijee ij-omâsteijee perruujesânijn pargoostorroomiähtu ličij 26 kalenderokkod, ko tot tääl lii 52 kalenderokkod.
- Pargottesvuotâpeiviruttâ, mii máksoo luámuttem vuáđuld, ij kulättiččii pargottesvuotâpeiviruudâ enâmusmaksimääigi. Tienuuvt nubástus pyerediččij torvo, jis pargottesvuotâ kuhoččij.

”Velttidmettum rajimtoimâi ekonomâlijd já sosiaallijd háittuvaikuttâsâid lii tehálâš pasteđ kepidiđ vijđes toimâiguin. Luámuttum tâi pargottemmin päccee pargei ekonomâlâš torvo nanoduvvoo tääl uáassin haldättäs vuossâmuu toimâolesvuodâ”, sosiaal- já tiervâsvuodâminister Aino-Kaisa Pekonen iätá.

Laavah šodâččii vuáimán nuuvt jotelávt ko máhđulâš já liččii vyeimist 6.7.2020 räi. Nubástusâid heiviittiččij maņasčyecen 16.3.2020 rääjist.

lävtuttäs kulá ive 2020 lasebudjetiävtuttâsân já lii uáivildum, ete tot kiedâvuššoo ton ohtâvuodâst.

lävtuttäs valmâštállâm paaldâs lii selvâttum pargottesvuotâtorvo eres iävtui uásild máhđulâšvuodâ toohâđ hiäđui máksimist nyjebžilub. Selvâtempargo juátkoo huápulâžžân.

Lasetiäđuh: Marjaana Maisonlahti, haldättäsneuvos